

Паче же начнем глаголати, о чем нам мысль предлежит
 И всегда душа наша зелне горит,
 Якоже бо некая чада, имеюще печаль, аки некое великое время
 50 Не видевъше рождших своих, и не могут их забыти
 И сердце свое от таковыя печали свободити,
 Подобне и мы таковую скорбь о тебе имеем
 И пособити себе никакo недоумеем,
 Свидетеля тебе истиннаго бога представляем,
 55 К нему же есмы вси грешнии прибегаем.
 Почто, всеизрядне, царствующи || град оставил,
 А любомудрия своего нам грешным не прибавил?
 Паче же в нем великия и красныя холмы,
 И укрепился еси ныне во единой ограде жити,
 60 Или обещался еси до конца от нея не изыти,
 Или вспомянул еси в себе божественное писание
 И в нем духовное ваше воспитание.
 Свободь всяк инок трех страстей,
 И да избавлен будет многих прелестей.
 65 Ей, ей, воистинну тако может быти,
 Да не всяк так возможет жити.
 Или еще реченое, четырьми делесы душа инокоу оскверняется,
 И пребываяй же в таковых, едва спасается.
 Великому елѣандру и царския дворы пустыня бывает,
 70 Тако же и крепкий подвижник на всяком месте не погибает.
 И аще и нигде бесовских козней не избежати,
 Но легчае будет многия виды от себя отревати.
 Ни учителя, ни указатели тебе хошем быти,
 Ни душевнаго твоего благородия повредити
 75 Ни, убо ни, не буди, любимиче, || тако,
 Но за духовную любовь глаголем ти всяко.
 Прекратим же слово о сем,
 Да не вконец продолжено будет в нем,
 И да не отягчим твоих честных ушес,
 80 И да не явим своих всех неизрядных словес,
 И паки возвратимся к своему нам желанию,
 Некли вонмеша грешному нашему стенанию.
 Прииди, возлюбленне, в царствующий град,
 Да насадиши в душах наших доброплодный виноград.
 85 И вселися по-прежнему близ царствующаго града,
 И да будет мысли нашей велика в том отрада,
 И пребуди с нами хотя мало время,
 Да отринеш от нас аки некое великое бремя
 Не для ради многих людей и славы человеческия,
 90 Но для ради меж нами любви отеческия
 Болезнуем всегда о тебе душею и телом,
 Да не можем тому пособити некоторым делом,
 Свидетель тебе той же истинный бог,
 Иже по своей милости || возносит християньский рог.
 95 К кому нам недостаточным и грубым притещи,
 И грубость свою и печаль с кем разврещи?
 Кто нам слово сомнительное разрешит
 И колеблющую мысль нашу умирит?
 И егда¹ нас раздражают и грехом нашим стало велиим,²

л. 35 об.

л. 36

л. 36 об.

¹ В ркп. начало слова стерлось. ² Испр.; в ркп. великим.